

阿婆仔坐火車

光華國小：陳淑和

火車 火車 你是欲駛去佗位？

無人坐 全空位 攔毋捌字，欲問啥人？

車咧吱 狗咧吠 稻仔邊 有田嬰。

山一升 海一邊 風吹來 冷吱吱。

火車 火車 你是欲駛去佗位？

雨微微 人影稀 看到伊 心歡喜

較緊來共問主意：「先生 先生 火車是欲去佗位？」

「哦！我姓施，躡佇新埤。」 啊！原來伊是臭耳。

火車 火車 你是欲駛去佗位？

磅坑邊 釋迦甜 歸晡才到位。

門一開 溫泉味，月台的小姐笑微微。

「小姐 小姐 今(tann) 我是佇佗位？」

「阿婆 阿婆 知本的溫泉歡迎你！」

阿娘喂！我驚甲強欲死，本來是欲上北兮，啥知坐對落南去。

